



67
CARMINA GRATULATORIA

In

Honorem nuptiarum

Clarissimi & Consultissimi

Viri-Juvenis,

DN. JOANNIS CRAMERI

Juris Utriusq; Doctoris, &

Poetae Laureati,

SPONSI;

NEC NON

Lectissimæ & Pudicissimæ

Virginis,

A N N Æ,

Honestissimi Viri,

Dn. CONRADI GERHOLDI,

civis primarii filie,

SPONSÆ,

die XV. Septemb. Servestæ celebrata-

rum, scripta ab affinibus

& amicis.

SERVESTÆ

Excudebat Zacharias Dörffer.

M. DC. XVII.

INSTITUTIONE

Honoriis

Classisimae & Ordinissimae

Vniuersitatis

DR. JOHANNIS CRAMERI

Juris Prætorij, Doctoris &

Legislatoris

SPONSOR

RECITAVIT

Legislatoris & Prætoris

SPONSOR

ANNUS

Honoriis

DR. CONRADI GERHOLDI

SPONSOR

SPONSOR

die XV. Septemb. Scivella celebrata

in scriptis ab aliis

& amicis

PRÆFATA

Excubens Zacharias Döfler

M. DC. XVII.



Ad Clarissimum Virum,
DN. JOHANNEM CRAMERUM,
J. U. Doctorem, Poetam Coronatum, Spon-
sum, amicum colendum.

Quòd tibi consortē associas, Sponse optime,
A quo inclarescis, jure id utròq; facis. (lecti,
Et faculas castas, non illicitos & amores,
Quæ tibi ferta dedit, casta poesis amat.
Gratulor ergò tibi, exhausto quòd digna labore,
Nuptam te dignam, præmia, Sponse, capis.
Authorêmq; tori multa prece pronus adoro,
Mittat ut in vestros prospera cuncta toros.

*M. Job: Theopoldus, Superintendens
Serevestanus.*

ALIUD.

Dum sacra festa tori celebras Clarissime Doctor,
Accinerem tædis carmina multa tuis.
Namq; hoc dexteritas Pietas tua, pignus amoris,
Quo schola nos junxit docta Nicrina, jubent.
Sed quoniam non sum Vates, nec nostra Thalia
Scribere multa potest carmina, vota dabo.
Semper sis salvus salvâ cum conjuge, vobis
Det bona multa, poli qui regit astra, Deus.

A 2

Nulla

Nulla domos vestras turbet discordia, semper
Aurea Pax vobis adfit, & absit Eris.
Vester sit lectus foecundus; vestraq; nullis
Sit, prohibente DEO, subdita vita malis.
Vivite Nestoreos annos, post funera vobis
Æternam vitam det Pater ipse DEUS.

*Collega suo olim in illustri domo Casimiriana
apud Haidelbergenses honorau-*

disimo;

F. Dantisci

Georgius Pauli Dantiscanus, S. S.

Theologiae Doctor, & in illustri Gymnasio

Dantiscano Professor

publicus.



Aliud eodem Autore.

Sponsus ad Sponsam suam
suavissimam.

A NNA veni, thalami confors optata, puellis
Quæ mihi præ reliquis optima sola places.
Sola veni, ingenii superas quæ dotibus omnes,
SAT DOTATA VENIS, DUM SAT
HONESTA VENIS.
Sola veni, gemmis longè generosior ipsis,
Sat generosa venis, dum pudibunda venis.

Sola

Sola veni, pulcris cœlorum pulcrior astris,
Sat mihi pulcra venis, dum pia, casta venis.
Sola veni, mihi sola places, mihi sola placebis,
Sola mihi mulces pectora, sola veni.
Una dies ambos thalami nos fœdere jungat,
Una dies ambos auferat, una Fides.

ALIUD.

LAudo tuam mentem sinceram, laudo puellam
Quòd formâ egregiâ, doctè CRAMERE, capis.
Nec gazas, nec opes, sed HONESTUM respicis almâ
Cum PIETATE animû, cûq; PUDORE Decus.
Et parui pendis magnâ cum dote puellas,
Quæ famâ, formâ, quæ Pietate carent.
O te felicem! te terq; quaterq; beatum!
Cui thalami sociam fata dedêre parem!
Quam Virtus ornat, quam summa Modestia ditat,
Quam Probitas, Pietas, Simplicitasq; beant.
Quam morum Gravitas, & honestæ Gloria vitæ,
Quam bona commendat Gratia, Fama, Pudor.
Quæ reliquas superat formâ, & Virtute puellas,
Haud secus, ut Cœli Lucifer ipse choros.
Pulcra habitu, pulcra ore magis, pulcerrima mente,
Pulcra Pudore simul, pulcra Decore simul.
Pulcrior est Zerbëstanis, pulcrisq; puellis
Pulcrior Aonidis, pulcrior Ascanidis.

Hanc tua Dexteritas, Gravitas, Facundia, Candor,
Hanc meruit Probitas cum Pietate Fides.
Hanc labor exhaustus studiis, hanc mitra requirit,
Quam Themis, & Sophiæ Præses Apollo dedit.
Hanc quoq; terrarum, & populi lustratio poscit,
Hanc reditus patriæ non sine laude petit.
Ipse etenim varias terras, urbesq; superbas
Perbene lustrasti concomitante DEO.
ANGLIA te vidit, te HISPANIA, GALLIA vidit;
SICILIA & PORTUGALLIA te docuit.
ITALIÆ fines adiisti sidere fausto,
BELGARUM doctus mystica multa scholis.
Hac ergo exulta, hac gaude, hac tibi virgine pulcrâ
Plaude, Pudicitia quam decoravit Honos.
Hancce cole, hancce cale, cõplectere, dilige castam
Hanc Costam, huic labris oscula fige tuis.
Vive, valeq; diu castâ cum conjuge, castâ
Cum Costâ casti corporis usq; tui.
Vivite concordēs, animos & corpora Amoris,
Lætitiæ, ac Pacis nectite vestra nodis.
Vos neq; vis, neq; lis vexet, discordia turbet
Nulla domûs vestræ limina, nulla torum,
Vincite Nestoreos annos, det pignora lectus
Quot Mater gestit, quot Pater ipse cupit.
Gignite DOCTORES, DOCTORIS semine natos,
Qui referant animo, moribus, arte Patrem.

Sic

Sic Honor, atq; Decus, sic Nomen, Stemma CRAMER I,

Sic GERRHOLDORUM fama perennis erit:

*Perpetua fraternitatis & amicitia
ergo in Gallia Parisiis contracta.
Spiræ f.*

Paulus Friccius VVormatiensis

Cam. Imp. Advocatus.



A L I U D.

DOctor amice, prius fidei quàm dicar amicæ
Oblitus recinam ad castas tibi paucula tædas.
Siccine firmata est animi sententia tandem,
Præclare Interpres Legum, jurisq; Sacerdos
CRAMERE, ad sacras ANNA cum virgine sedes
Fœdera conjugii dudum sperata pacisci,
Et jam promissos nuper celebrare hymenæos?
Factum laudo tuum. Domini benedictio sensum
Indidit hunc, castum nec non sub corde calorem:
Nam Deus est hujus sancti primarius autor
Ordinis, autorem spernit, qui fœdera lecti.
Hactenus aut ætas, aut tempora debita juri
Suspendere torum: at postquam sudore parâsti
DOCTORIS titulum, magnâ cum laude reversum
Ad patrios Lares nunc nunc te vivere solum
Non decet; hoc mecum dissuadet qui tuus alter.

Plura

Plura quidem non est mihi commemorare ne cesse,
Plurima cum possim: lætus tu perfice cœpta.
O te felicem, mercatoremq; beatum!
Gratia cœlestis GRATAM cui contulit ANNAM
Quæ pia, casta, decora, modesta, pudica, venusta,
Et quæ TOTAFAVENS, id quod cognōine signat.
Huic CRAMERE tuas merces cōmitte lucrandas,
Commiffas, mihi crede, tibi cum fœnore reddet
Multo, ubi Luna suum novies percurrerit orbem;
Exerce vegetam, nullo prohibente, juventam
Tempora dans pulcræ, juri decerpta puellæ:
Invigilare libris, juvet invigilare puellæ;
Hinc plores, illinc & opes & gloria surget.
Qualis ruricolis post ambarvalia mæsis,
Cum vacua optatis frumentis horrea complet.
Talis sit tua Sponsa tibi, te prodiga fœtu
Una beet, sacriq; ferat tibi pignora lecti;
Sed formosa, patris matrisq; imitantia vultus,
Æmulaq; amborum vitæ, morumq; decentum.
Ac finem ut faciam; concordî pectore juncti
Vivite Nestoreos ambo feliciter annos.

Voti hæc summa mei. Votum Tu perfice factis
Qui regis humanas divino Flamine mentes
JOVA, soli cœliq; Sator, Rex, Fautor & Altor.

*Fridericus Hamelius
Junior. S.*

ALIUD.

ALIUD.

Qua sacra, amabo loci hic, in quo novus hospes oberro,
 Suspensis operis, magnâ currente catervâ,
 Orgia concelebrant pueri, juvenesq; senesq;
 Nec non nugarum plena socrusq; nurusq;?

Sed cur subdubitem? Veneris sunt Orgia. En ipsi
 Procedunt Sponsi gemmis auroq; micanti
 Vinculus uterq; suo capitis de crine coronâ,
 (Tadarum insigni) ac longô comitante virumq;
 Ordine deducti matrum ad solennia Templi
 Vota precesq; parant ornare hymeneia festa,
 Festa ornata Deo fabricati ab origine Mundi.

Quis novus hic Nymphus? quem vos censetis Amici
 Spectantes pompam, dignus qui virgine Sponsâ
 Sponsus habebatur, Diva Junone favente?

Si Sponsum novisse lubet (vestra licet Urbis
 Sit notus civis) faciles advertite mentes.

Nicriades Musæ, quas Juppiter æquus amavit,
 Quæq; Palatini in nemorosis vallibus agri
 Altrici vivunt celsi sub Principis aurâ;
 Inclyta ubi his ipsis domus EDELBERGA Deabus
 Cultus, & umbriferis illis mons nobilis oris,
 Hospitium ambobus fuit atq; illustre Lyceum,
 Cui dignas merito grates solvamus uterq;
 Hunc licet ille locus potiori parte beârit
 Artis & ingenii, digno ut modulamine laudes
 Ipsius, & nomen grati hac cantemus in Urbe.

Phœbus enim hunc aliis multis præmillibus unum
 Cultorum primis impensè adamavit ab annis;
 Certatimq; piæ vivâ dulcedine, & ipsâ
 Ambrosiâ Charites potârunt, Neſtare Musæ.

Hunc pietatis amor, probitas virtutis, & artes
 Ingenii, doctrina Sophôn, Themidosq; polita
 Cura virum in laudis decus excoluere perenne.

Sic res egregiè cum nomine convenit ipsa.
 Scilicet ingenuas emturus Palladis artes

B

Infixit



*Infixit mentem solidis noctesq; diesq;
Mercibus, ut Legum gnarus doctusq; Minerva
Hic vates fieret (rumpantur ut ilia Momis)
Mercator Themidos decus, & selecta corona,
Raraq; gemma virum, splendens, ceu lumine Titan,
Lucifer aurora, pulsus Matutaq; stellis.*

*Nosse cupis Nymphum qui famam Zoile rodis,
Ne pergas hominem verbis temerasse malignis?
Ad Nicri Aonias propera tu Zoile Musas;
I, propera, excelsamq; domum, quam sumtibus olim
Magnificis struxit magno Dux pectore, & armis
Martis & artis ope invictus, Rheniq; Toparcha,
In monumenta sui CASIMIRUS, & apta docentium
Discentumq; sacris pariter collegia Musis.*

*His vir & hic Sponsus multos cum laude per annos
Praesuit, inquirens juvenum scrutamine mentes,
Qui petiere gradus, titulosq; & jura Magistrum,
Tentatis studiis, & post solennia dignis
Praemia distribuens, laudatô & symbola ritu.
Qui post Herculeos, quos pertulit ipse, labores,
Post Legum libros crebro Canonumq; relectos
Ussu, & multiplicis contrita volumina juris,
Doctores titulum tulit, & sua premia cepit.*

*Nec satis est tantos animo exantlasse labores,
Insuper intendit percurrere dissita nostris
Finibus hic noster mercator regna; Regina
Impiger Ausonia lustravit, & uberis inde
Hesperiae velis idem appulit arva secundis,
Nec non audaces animis armisq; potentes
Visere perrexit Belgas, Gallosq; rebelles.*

*Nec tamen his terris Veneris malè providus ignes
Pectore concepit, nec seva Cupidinis arma
Sensit: at oblatos facile moderatus amores
Distulit, haud dubitans mercator & inscius, aequè
Vendibiles precio externis meliore valentes
Germanam terram, aut similes exponere merces.*

Has

Has inter merces, formâ præstante puellas,
Crameroplacuit lectam mercarier Annam,
Atq; sibi sociam sancto conjungere castam
Quam Superum finxit Regnator, fœdere costam
De latere extractam, ex animis dum sterteret Adam.

Ergo Sponsa veni Sponsi de latere demta
Omne felici properans cum corpore jungi,
Quod tibi conciliat Lex sancta, & Pronuba Jumo:
Tu quoq; Sponse veni nec cessa adjungere Sponsam,
Cui rosea est facies, cui sunt & eburnea colla,
Cui teretes ulnae, digitiq; pedesq; rotundi:
Queve venusta placet, vultuq; & pectore. Tota
Sponsa venusta tibi, qua hominumq; Deumq; vel ipso
Demulcere animos feriente Cupidinis arcu
Posset, & iratus quam Juppiter ureret Annam;
Hanc thalami sociam duplis amplectitor ulnis:
Hanc pulchram ipse tibi proprium cape primus ad usum
Felix Mercator; nec alis exponere mercem
Prodige & uxorem concede improvidus Annam.

Sed quid opus monitis? Cum me non ipse monente
Leta dabis Sponse firmati Sponsus amoris
Gaudia, & in patriâ salvâ cum Coniuge salvus,
Omni submoto longè rivale precisq;
Deliciis Veneris, licitoq; fruere amore.
Prosequar ergo torum felicique omine sternam.
Prosequar inceptos votis precibusq; hymenæos.

Aliud eodem autore.

Sponse tuâ Sponsâ, atq; tuò Sponsò utere Sponsa,
Ambo felices prosperitate Dei.
Merce recente frui permissum est, utere merce
Sospes uterq; & amans, utere merce novâ.
Merx usu teritur: pereunt farugine vasa.
Merx nova femellis, merx nova grata viris.
Flos deflorescit: vivâ scaturigine fontes
Siccantur: corpus labile: forma fugax.

Uttere

Utere merce novâ, vegeto cum corpore lude;
Vernanti suaves tempore carpe rosas.
Prestantis formâ florem decerpe juventa:
Limpida de puro fonte fluent a bibe.
Pax, & amor, pietas, pacti constantia, primus
Ornatus vestris sit columenq; tori.
Hisce meis brevibus, multus precor, annue votis,
Qui mare, qui terras flectis & astra DEUS.

Honoris & gratitudinis ergo gratulabundus
deproperabat Ackena

M. Johannes Philippus Rosa SS. Th. Stud.
olim Dn. Sponsi discipulo.

V O T A.

Ὅς βελῆσι σοφῆς, θεὸς, αὐτὸς πρῶτα ἔταξας,
καὶ μέχρ' ἔν τῃς δέσμαθ' ἀγνοῖο λέχρῃ.
κότμησις τε γάμον καναναίω ἐνὶ πηολιέθρῳ
θαύματι, ἀλάτῃων λῶσον ἐς οἶνον ὕδωρ.
καὶ τῆσι γάμοιο βροτῶν ἀλάτῃε ἅπαντας
πότμῃς τῆς πικρῆς χάρματα εἰς γλυκερά,
καὶ ποίει αὐτοῖσιν ἰν' ἀμφοτέρως ἀποβαίνῃ
κείνα, τὰ ἔχοντα ἐνθάδε πάντα φίλοι!

Joachimi Flemingi
Anhaltini.

F I N I S.

Cl 1926

ULB Halle 3
001 556 118




Stk. 6 = Handschrift

Sb.

Paul Friedrich
Buchbindereimeritor
Merseburg a. S.

1017





Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

Farbkarte #13

B.I.G.



67

...TULATORIA

...tiarum

...nfulfiffimi

...is,

CRAMERI

Doctoris, &

...eati,

...;

...ON

...diciffimæ

...Æ,

...Viri,

ERHOLDI,

...filie,

...;

...veftæ celebrata-

...affinibus

...s.

...TÆ

...rias Dörffer.

...VII.

